



國家清史編纂委員會・文獻叢刊

清代詩文集彙編

國家清史編纂委員會・文獻叢刊

# 清代詩文集彙編

《清代詩文集彙編》編纂委員會編

上海古籍出版社

# 清代詩文集彙編 五五四

大小雅堂詩鈔十卷大小雅堂文鈔二卷 邵堂撰 一

愛日精廬文稿六卷 張金吾撰 一三九

鷗天閣遺箸二卷 印康祚撰 二一九

鐵山園詩稿十二卷 孔慶鎔撰 二四九

退思齋詩存二卷 卞士雲撰 三八五

思誤齋詩鈔二卷附詩餘一卷 章簡撰 四〇七

移華館駢體文二卷 董基誠撰 四四九

蛻學翁遺集六卷（觀所養齋詩稟二卷漢東集一卷北樓集

一卷困知長語一卷銅僊傳一卷） 徐元潤撰 四八九

好深湛思室詩存二十二卷 孫義鈞撰 五五七

道光庚寅鐫

# 大小雅堂註鈔

浚儀官署藏板

序

青浦邵君子山少年負瓊才年二十餘游吳門時先府君掌教紫陽君來就課屢試輒冠軍嘗令擬鮑明遠舞鶴賦君爲三賦立就壯思奇采傾動一時府君偉其才延置家塾授子秩書自癸酉至乙亥凡三載君益得與吳中尊宿及髦彥之士游以此名曰高學日進然府君每日子山他日當以政事顯不獨文章也丙子丁丑君聯捷成進士試宰於豫初攝篆林慮人或疑其文弱乃甫視事發奸擿伏如神明雖老吏不敢欺旋補汜水故虎牢也邑雖小而適當河洛之衝民困於役奸宄從而藥芽其間且每歲夏秋閒山水猝漲爲城郭田廬害君勤撫字平徭役行保甲嚴守望修閘壩堰渠以待水潦民賴以安賞檄赴大工課薪草督畚鍤事輒辦上官獎其能薦授五品服會垣有疑獄輒檄君廉按之動得其情然君抑抑無矜伐之色公餘猶手一編哦舊業不廢以是其所著錄者日增於前道光二年秋余奉

命使豫得見子山且出其前後所著以示余讀之慨然曰登高能賦可爲大夫是從政者宜澤以文章也孔子曰誦詩三百授之以政不達雖多亦奚以爲是文章又在乎適用也如子山者可謂兼之矣衙齋刺刺語舊書館中蟲鳴樹秋舉燭命醕皆宛若前日事獨余自廢蓼莪之詩忽忽將十易寒暑子秩輩學皆不成且長子濟

康短命以死能無侘傺伊鬱悻悻於中觀河之面誠不自知其微也子山年正壯學益富政事益錚錚有聲余得以從容觀其所造則又破戚而愉所憾者先府君知子山深而竟不克見之也因述交以爲之序若其詩文之華茂瑰麗疏通知遠返古振俗能肆能醇讀之者皆能知之而無俟乎余之爲之勦說

道光三年歲次鴉尾孟秋泰日東吳弟吳慈鶴拜撰

大小雅堂詩鈔

序

二

序

歸與无敦測交吳門皆在昭陽作鹽之歲僕依公房聳卿君質伯迎備廡于是修士相見禮警朋盍戡交壹時同志譬落落之曙星平生久要視瞭瞭之白日夫其神觀疎峙襟靈諧蘇文采昭耀其鄉國聲薌翕集乎壇場年既壯盛性又不羈爾汝尊疊之側風狂一雙歡儂竹肉之旁月皎三五提鵬擊鷲送抱推檢是日相知樂莫樂今年運而往蹤迹離合涂路升湛僕則隱南山之豹焉用文章君則躍天衢之龍已成霖雨傾茲赤望贊此密清牧民匪難是在令長中牟之雉方雛而馴緱氏之羊其羣勿敗傳翽理縣之譜王景治渠之謀揀荒董媚洞時機宜奏獻兒寬依古法義崔實之製織社練組女有餘布龔遂之菽簞榆蔥韭土無不毛張諱號曰慈君宋登稱爲神父循良治行伊古如斯而若无敦者負幹局之才當抗敵之地疇昔鬢河一支傷赤子之爲魚鼈梁室百堵哀中原之有雁鴻程畚插儲芻菱坐臥文書出入朱墨及夫竣事受知當塗百里歎其小用九能舉爲大夫緹油載錫朱芾方來搜臣甫之心肝上以奉天子繪監門之圖畫下以甦流民江州秦中之吟次山春陵之作屬辭比事瑣瑣連升要其指在諷諭體均雅騷陳之篇什匪惟銜其山川播之歌嘯直可變其風俗豈與夫鑲朴下士穉樞鄙人賄一韻之勝矜一字之雄

大小雅堂詩鈔

序

一

已哉嗟乎僕交无數忽忽十稔駒光不留鴻爪偶合梁園春莫吹臺秋高執手數語知心二人定文屬之敬禮識字唯有王筠主臣未已益用感榮僕屈獲身世寒蟲呻吟思泉涸于智井意葉凋於萎叢徒以前迫憂患胥疏江湖作諸侯賓客許登殿武之牀授都講生徒爲設馬融之帳則金銀以瓦礫比樸樸於翹薪身賤酬難緣深別易簿領多暇箋繪毋疏斷斷商榷屹屹校讎敗葉半橋濁醪盈醖讀元禮服官之集大異子雲少時之文效孝標敘舊之詞敢同豆盧弁首之引

道光癸未歲秋九月鎮洋陸元文簪時客返梁廉訪使幕

大小雅堂詩鈔序

二

題辭

吾鄉王述菴侍郎喜以詩提倡後進不鄙予而辱與論詩願後未有繼者邵子子山少年以才受知于侍郎而屢歲出游予亦南北奔走未嘗得相值然辱有知己之言彼此以書通蓋亦不啻素交也戊子秋薄游大梁晤王子澹淵知子山卒後遺橐爲鄒鍾泉明府所收以付澹淵使之審定僅畢一卷而澹淵卒嗟乎吾鄉多才遇皆不幸早世又皆厄于中州遭際如此是足悲者于是予從澹淵家取遺橐歸合前後所作讀之見其切近以立體疏通以致用磊落以使才奧博以徵學取材唐宋又能兼采時賢之美使充以年所造詣當不僅此每思

大小雅堂詩鈔題辭

一

古人不覺太息子山先署林縣後任汜水汜水之治尤過于前其民至今尸祝之卽詩所言有以知其政之不苟矣澹淵旣沒鍾泉致書劉芾林明府請護其遺橐共爲刊行會予將渡河匆遽點次以歸劉侯兩君與子山同年進士政事文學皆當趾美惜予所託匪人徒感曩者相知之誼借書數言竊歎侍郎先沒弗獲見子山詩格之進而澹淵之不及終卷爲可惜也道光八年季秋十日同郡姚椿書

大小雅堂詩鈔目錄

第一卷

古今體詩六十二首

第二卷

古今體詩七十首

第三卷

古今體詩九十四首

第四卷

古今體詩七十七首

第五卷

古今體詩一百十五首

大小雅堂詩鈔目錄

第六卷

古今體詩七十六首

第七卷

古今體詩九十七首

第八卷

古今體詩九十五首

第九卷

古今體詩一百三首

第十卷

古今體詩一百十六首

大小雅堂詩鈔卷第一

悔存集

起壬戌七月盡  
己巳十一月

青浦邵堂无駭

庭松

方庭拓一弓連陂築爲石中有天矯龍森然被襍碧其  
旁叟木攢間之榛與棘挺挺支離翁灑落自幽僻清霜  
慘蕭晨瀟照澹遙夕風雨時一吟聲與水泉激老屋鏗  
然然抖擻寒氣逼舊聞此松小盆盎供藝植踰年鱗角  
長移以樹牆隙及茲徑未荒種德存先澤奕葉感承陰  
摩挲三歎息

唐元宗紀泰山銘拓本

帝王封禪侈符瑞金泥石檢文襪襪登梁父者七十二  
大小雅堂詩鈔卷一

卷一

一

腐史載筆多微詞有唐六葉勢昌熾朝野中外皆恬熙  
岱靈翹時望恩幸鸞書詔舉升中儀孟冬之月日在酉  
效靈西畢偕南箕登封庚寅禪辛卯對揚天命天垂釐  
從官載拜頌徽熾天門萬騎揚旌麾祥雲玢璘日璀璨  
大書深刻畱屨屨上言錫慶報蒼昊下言祈福綬黔黎  
碑材三尺寬丈六字徑五寸仍有奇宸章震曜爛星日  
鸞翔鳳翥文蔚蕤鏗鏗鉅典輝睿藻非甚盛德孰與斯  
胡爲覆簣中道止青驪避地悲流離兩京頃洞事遽起  
驅馳不効千神祇劍門蜀棧路巖嶮直與秦岱爭崑嶷  
稜稜此石發光怪風吹日暴風最悲豐碑年遠字闕齧  
想見麾翰淋漓時潛礪斷碑人世少殘星寥落如娥娥

衰稅惜無張龍樹寶墨一例同名垂

少司寇王述菴先生招集春融堂

問字聯翩集絳帷草元亭在我來遲崎嶇人物翹材館

激盪風雲薦士詩邑令溫侯恭盛一輩文章蚶蠣議五

湖煙水鷺鷥知須眉強健林泉穩笑看黃花插帽時

難得羣裾共酒枯清鐙銀燭講堂開臺魚識字神僊業

蛇鳥譚兵上將才一老靈光瞻魯殿千秋選例乞梁臺

先生所輯湖海詩傳時甫落成德星應報清宵聚此會粉榆得幾回

擬唐人塞下曲

落日雲沙黯邊笳朔吹道冷蟲銅狄夜哀雁玉關秋戰

氣漢臺壓軍聲雪磧收漢家飛將在絕漠擁狼狽

大小雅堂詩鈔

卷一

二

嵯峨雙鳳闕迴瞰暮雲局沈海秦師艦摩崖漢將銘屏

岳腰積雪荒冢骨零星千萬陽關柳年年塞外青

記出長安道行師統節旄草肥青苜蓿人醉綠蒲萄風

勁雙雕疾天清一雁高將軍迴獵地日薄莽蕭騷

六郡良家子傳聞唱凱還寒煙沈萬竈煖火令千山胡

女琵琶擲羌童霹靂彎如何班定遠投筆老紅顏

苦雨

三旬欄雨急淫漲浸漁莊地溼青蠹沸天陰黑蜮強通

衢流潦過高壠踡波荒苦祝宣防慎長歌訴彼蒼

五月陂塘水滄涼草閣寒鴨浮秧罪蠅簇麥芒殘房

積閉眠壠荒鴉餓劫餐水錢農借得訴與蹋災官時農人衣被

水者以枯槁引水入河向主家借錢日水錢

見說荏苒聚按半富室盈往來多巷警恩怨驗鄉評白

日街彈急清宵煖火明貧家無擔石市虎莫相驚市人

糶米一時居民騷然

騰沸江東市艱難苦里閭縣官平米價墊老盼倉儲涕

泣監門盡倉皇董涓書不知賢大府荒政議何如

薛澗湖舟次

碧天雨過涼射人斷霞蘸水紅鄰蘆邊葭外景蕭瑟

鷗枝呀啞擗白蘋風搖殘葉亂如雨曲岸嘯蟲續人語

野航候過颿影移鷗鳥驚飛入煙渚波心涌見秋月高

欲上不上天次寥疏星幽火時一閃水紋圖處波盪搖

大小雅堂詩鈔

卷一

三

漁歌入渺澹遙夕夜氣迷茫隔邨欄樹煙草露滴有聲

二螢荒荒墜空碧

茗雲道中

邨舍條條路煙波小小航天寒黃葉瘦秋老白蘋香塢

影眠荒水鐘聲撞夕陽吳興清遠意點筆付倪黃

蓮花莊感趙榮祿

秋老蒹葭古徑存庚申漏版劇銷魂夕陽鴉柏紅搖岸

荒野鷗波綠抱門一棧墓田元學士六陵宰樹宋王孫

並時文謝英靈在麥餅于今俎豆尊

湯鵬鐵畫

春風扇物如畫師陸離渲染名花枝黏紅暈綠著粉本

丹青刻畫巖巖姿陰陽熾炭騰洪爐陶鑄萬物無沈枯  
剛柔合冶鼓神力攢擢柯葉駢葩考工師併合眞奇譎  
不以豪錐以冶鍊當其淬鍊作有芒煜煜五陽雷電掣  
燭龍垂胡騰跋長火鳳離離參躍翔莖疏節疎觸手發  
邪銅莖錫俱尋常海枯石爛幾榮落宵與凡葩門跼鄂  
玉樹空餘一炬灰瑤觀眞成六州錯吁嗟此畫抗不磨  
直變頑醜成婀娜得非石家奮如意繞指碎點珊瑚柯  
世間芬華駒過隙顛顛顛枝苗涸積絹海膠山駮餒多  
嗜好何人知護惜瘦生風格與汝同鍛鍊餓骨成奇窮  
稜稜此性剛不屈芳心欲吐春花紅

題朝鮮國奎章閣檢書朴齊家貞蕤藁略後

大小雅堂詩鈔

卷一

四

一編脫手抵瑤瑛副墨矜傳栗里書萬里關山縻使職  
十年霜雪偃征車檢書三名留經晚詩外朝鮮趙芝  
晚詩二十卷人對江風海雨初難得登高工作賦此才聲價  
重爰問

虞山

絳雲樓閣半蒿萊身是中朝黨部魁未必青山能逐客  
祇餘紅粉解憐才文章有禁蘊詩獄花月無情葬劫灰  
太息彥回艱一死摩挲枯樹尙餘哀

感述十首

淮水源桐柏東下無延留入海經雲梯故道垂千秋溯  
自河南徙二瀆交相仇邇年淮水弱禦黃效不收清口

一衣帶宣洩終無由是以全淮水盡瀦洪澤流黃水挾  
之走橫潰無厓疇單隄決一綫高竇爲下游非惟運道  
塞抑亦民命憂吁嗟宋元後治河才孰優各爲轉漕計  
非爲防河謀靳公翺滅壩權變無所尤胡爲沿至今壅  
潰成瘡疣鼎鼎百餘載形勢已不侔誰存浚排策長抱  
昏墊愁安得康絢才蓄洩與共籌約淮使下注使河無  
停流河淮通一氣吾言非譌說

皇輿大一統威棱拓海疆恬熙百餘載積久弛維綱么  
磨爾何物出沒踞崇洋奸梟輪橈粟射利通舟航三窟  
閩潮粵來往風颶檣傾軍太畏蔥籌海策不長遂令射  
虎將翻受矢石傷稽誅十餘載舟師老餘艘安得橫海

大小雅堂詩鈔

卷一

五

軍縛梟正王章申令禁接濟毋或吞齎糧迺訓練將士  
汰懦以激剛守險防侵害截流堵逃亡渠魁旣擒斃羣  
凶無避藏其或悔辜戾乞命刀砧旁籲請寬屠戮責令  
參戎行用以弭羣盜有勇且知方妖氛一以靖風濤屢  
康莊仁綱扇萬物秋靜波吹香

東南輸輓粟四百萬有奇朝廷所徵額高下分等差多  
取不爲虐所貴賢有司有司在草野吐論何淋漓一朝  
綰墨綬萬慮縈其思斗石有定數倍克輒倍之豈惟牧  
令虐抑亦丁胥疲長塗食貨貴藉口皆有辭吏胥若黠  
鼠僕隸如餓鴟淋索各無厭侵食爭營私第知已肥瘠  
不顧民怨否坐令田野氓卒歲無餘貲巍巍大府來照

靡旃旃旗豈無聞與見上下交蒙欺吁嗟吾赤子常賴  
父母慈奈何性頑嚚殘忍摧心脾農民與運戶何以兩  
得宜國是賴長竿敬告司農知

長官民父母庭帷若堂皇其或不率教懲莠以激良小  
民滋訟獄豈必皆併張零星雀鼠辭對簿曲直章縣官  
擁黃轂亭映猶睡鄉連宵宴賓客花月盈壺觴翻飛下  
符牒柰此胥隸強無辜十五輩株連實踉蹌官民本一  
氣休戚母相忘胡以骨肉愛而等之路旁偉哉矯激吏  
威力資朽楊戕我肩挫犴索索纒銀鐐速郵容有效母  
乃根本傷豈乏不肖子親恩自久長羅鉗與吉網柰何  
羅舊殃昔人論寬猛用各隨其方那有民命重任意爲  
大小雅堂詩鈔卷一

六

柔剛所當養元氣母虐母胥戕豈徒省鞭撻當亦嗟夷  
瘡

自古盜賊起半因旱潦年獨茲妖幻術誑惑人心偏邪  
教古所有積弊長相沿若不豫感化勢必成蔓延或曰  
牟尼教或曰金剛禪

皇上初禪位一掃風霾煙邇年禁略弛奸黨仍不悛白  
衣劍血誓經像廣播傳其教禁鬼食歲時忘祖先以溺  
爲法水破除明潔鉤醜類復盡脇勢如膠漆堅萬一有  
竊發彼此相鈎連吾思邪惡盛鄉民愚可憐譬諸衣積  
垢非可朝夕湔治之太操刺民生必騷然亟當布條教  
乘刻通衢懸破邪以版正仍令自贖愆拯之泥犁獄曜

以光明天

九府創圍法太公實權輿近者燒銀葉闐市充街衢其  
中滅方空其外周圍模雕文鑿人面首黥目睚眦商舶  
汎瀛海產自南扶胥夷人識風水三木名船銜舳艫交易  
華夏物錫名曰番蚨其初盛嶺海積漸來荆吳况今鄺  
肆間射利姦梟徒肖形雜鉛錫彼此相欺誣聽聲與辨  
色聾瞶成錢愚錢法近刻敝銷鑄多奸奴幾令滇產銅  
閉局銷洪爐舉世尙瑰怪嗜好殊古初欄楯鑲神鬼環  
珞璫明珠被服及玩好海物塞八區一人好佻巧什伯  
爲之趨此恐伏後患錢制特一隅

劉毅聚東府一擲百萬錢慕容與神誓祖跣聲喧闌少

卷一

七

陵亦游戲客舍娛殘年王樊旣身死樂此良可憐奈何  
情窳者結習終不悛少年灼袍襖衍服光新鮮曼姬及  
憇子挾瑟調箏絃博徒三五輩左右爲拳擲重房複室  
內雜選羅長筵黃金剎那散衣敝寒無氈妻孥徧交譏  
楚囚涕淪漣當時夸閭閻輿騎喧聯翩曾不歷年所門  
徑蕪寒煙况此無遮會曾不分愚賢燁倫而蔑分廉恥  
盡棄捐或有無賴兒睚眦操戈鋌餒餓不能忍盜賊成  
憂延作詩告賢宰創俗此最先

五聖美年少綠衣以郎名跳跟白日閒廟食胡尊榮陳  
姑小家女帷薄揚醜聲歿而爲厲鬼祇祠燦檐楹荒淫  
爾何物蠱惑癡愚氓山魃及木魅母乃通威靈鄉鄰有

疾者寒暑傷和平枯槁若示意邪耗多憑陵半醺亟修  
祀或可保餘生窮民踴號哭筐篋爲一傾饗筵蠟淚漬  
席地往膏腥紙錢拂風起燐火光青燐下搞鬼斷卒分  
獻酒一觴妖巫鸛鶴舞伐鼓敲銅鉦偶然病良已謂神  
所式憑萬一終不起祈禱咎未誠宣尼論人鬼所事課  
以能安得樂土元淫祀鋤好萌

王楊盧駱體少陵薄不爲然猶相護惜不肖輕詆訾淫  
波斥元白迺有杜牧之若令反唇誚牧豈無媒辭方今  
少年子文玷夸雄師演事效點竄鑿空矜魁奇三寸禿  
筠管十指懸風惟真氣中潰散著紙如黏糊皇然拳赤  
幟引類吹填荒苟非素所暱切切撰訪譏出語肆訕誚

大小雅堂詩鈔

卷一

八

技摘毛與皮岐以古流別曾未振眼闔不聞舍舟櫂可  
以窮天池豈無壁觀者一粲聊喘呢狂生發喁唱常苦  
毒口麤對衆舌必捷譚菴盾先低斯文在天壤風會誰  
主持主持非無人無位無其時

士生三代上執業窮匡居不聞擔書笈辭家去鄉閭風  
詩感離別羈旅多艱虞祇此行役子雪柳悲征夫流風  
日波靡士行殊古初高牙大纛聞聯翩集纓裾豈無矯  
激子嶽嶽辯論麤驚世作奇語不肖譚貢諛主人墮其  
術謂與人人殊招邀主文玷款延息賓廬遂以葉公好  
而登呂黎書百金給筆札千金贍妻孥上者掇巍第朱  
紫眞須臾下亦收厚實載幣歸江湖吁嗟此游民何足

富吹噓才華縱求售曷不姑俟諸插標物必賤挾瑟名  
必虛長歎歸去來盍把田閒鋤

七夕

銀漢澈空秋影墮碧寥閣月瑤煙鎖小姑低祝繡簾前  
翠鬢雙翹髻雲彈龜絲鈿盒愁有情河繩北斗頻頻明  
羅帶執扇夜分淫風露一天蟋蟀聲

題邑侯溫先生奉蜀行詩鈔後

記得笳簫送蓋棺一編回首講堂寬長汀煙雨蠻鄉遠  
宦海風波蜀道難薦士詩歌眞可感酬恩涕淚未曾乾  
吟冤悅嚮蠶叢遇月黯燈昏徹夜看

蘇文忠公生日懸像祀之

大小雅堂詩鈔

卷一

九

奎宿騰芒爛瑤闕靈氣排空墮明月靈巾烏帽七百年  
飄搖玉帶峩嶇僊誕生磨礪命官守朝局雜郎變綱紐  
小蔡大惇諒誅生穹碑黨籍垂盛名卅年踢破中原地  
天譴才人謫荒裔蠻花狔鳥烏柏臺寥窈一喚歸去來  
秦七黃九各但化蜀江日飲三百杯丹青刻畫何人筆  
落落須眉向豪逸蓬萊典籍井絡英仙人青蓮佛摩詰  
感公時事讀公書饗公竹颺兼花藉靈風翩翩御寥廓  
清都白鶴亦壁鶴

題無名氏山水畫冊

野天蕭瑟暮雲昏婀娜風颿漫遠痕三十六灣秋水外  
白蘋紅柏一邨邨

屋邊葭外雁聲寒雲水迷離入畫難涼殺前谿明月影  
一竿祇有老漁看

丁畝煙波六枳籬藕花多處雨涼時漁船小划荒谿路  
搖動蘆蒿三兩枝

密篠崇林曲徑通綠陰深處嫋絲風斜陽一桁分明在  
鴉背默來點點紅

酬錢侗

侍郎高築翹材館駢疊髦士生輝光東婁錢生特璫尾  
毛詩郭箋項嗜古與俗殊參商司農詰經守尋執祭酒

識字窮豪芒百千餘年劫灰滅吉金樂石珍祕藏縱橫  
上下一手貫擘點朱墨皆琳瑯小儒疲癯矜一得嚮人

大小雅堂詩鈔

卷一

十

自大等夜郎注雅蟲魚炫古字闕廩雀鼠搜餘糧如君  
翩聯名父子旭日燦爛雛鳳凰丹厓竹米食何有水鳬  
澤狗同躍翔藩籬飲啄事璫屑眼送燕雀凌天聞有才  
留落不得志祇須痛飲千百觥鄙人食字一魚蠹穿鑿  
急就兼凡將自慙傾隨性不備坐擁勝帙如騎牆奇辭  
險韻煩獎蹶謂吾少歲能文章平生嗜學苦劬錄得汝  
攻錯非踽涼轉愁鸞鳳儻漂泊彩筆各隨顏鬢蒼

秦淮雜感

衰草綠迷江令宅夕陽紅鏤蔣侯祠青衫多少詞人淚  
不爲秋風感鬢絲

臨春結綺事荒涼六代餘華弔戰場賸有孱僧兩三輩

自縫寒衲話斜陽

十四紅樓鏤綠茵鈿蟬金雁半成塵荒荒舊院無人管  
中有曉鷺怨晚春

曉發燕子磯至金山遇大風雨

危磯峯峩瞰大江洪濤夜半交恣掀荒雞膺膊催客起  
殘星頗頗明篷窗羣峯模糊黯不辨嵐頭墨色江雲黝  
狂風下刮一鐙滅驚起百鳥鳴粉呢千林萬竅浩呼涌  
江豚出水形膨肛懸厓怪樹勢盤攫龍顛虎倒驚飛淙  
吾舟簸盪依斷岸蹴踘篙檣磨琤琮波面浮山山倒立  
船脣觸石石突撞風濤順下勢迅疾一櫓扶住都盧撞  
況今其濛萬山雨併入九派奔流瀧長年冒險爭性命

大小雅堂詩鈔

卷一

十一

不顧筋力相掀扛豈知暴雨剝那霽陽烏十丈驅神姚  
丹椒突眼絢金碧一拳浮玉淩崆峒山僧曉起理梵唄  
撞鐘伐鼓聲砰訇掀蓬破棹發大叫入險出險蛟鼉降  
野廟

風旛露瓦日凋謝一隊神鴉隔樹聽僊侯王存齋號  
荒淫魑魅竊威靈畫圖壞壁霜痕剝牲血殘碑雨氣腥  
失笑老巫僊去後儼儼新鬼舞空庭

題趙孟頫書馬

王孫書馬有如此霧鬣風鬣蹕空起曾覩朝家十二閑  
摹續驊騮狀駉駉一馬昂藏藉草眠一馬蹀躞谿流邊  
一馬騰驤脫羈韉金縷絡索搖連錢涼秋塞外霜天高

落日慘淡風吹毛健兒隻手不敢近巨繩帕首腰弓刀  
書師夜夢房星落書作龍媒去鱗角蜚黃蕭白西極材  
骨相權奇貌騰連當時南渡議和戎邊關羽騎馳鴻綱  
却勒歸來臥閑阜想見腰褭皆豪雄白翎雀來天水碧  
十三陵樹鵲嘯赤霜蹏伏樞涕淚多關山痛灑名駒血  
王孫書馬聊自娛翰墨瀟灑酒丹青殊晚年伎佛味禪說  
夏寫法象供浮屠昔時神駿嗟殘朽瘦骨凌兢尙昂首  
顛主騷騷慘不鳴天閑箕乾無人守江山半壁此儒才  
趙家鬼泣冬青哀興亡無限銅駝恨却戀金門樓豆來  
燕子磯永濟寺

空翠淫林薄冷颼吹客衣梵聲穿樹迴颿影縮煙微暴  
大小雅堂詩鈔 卷一 十三

日竈鼉瘦盤秋鵲鶴肥臨風懷鐵鑲雙燕欲翻飛  
臨江標梵刹趁晚客登游鐘磬四禪地杪櫺一樹秋詩  
情荒蘚古炊火密林幽悅聽斜陽外潮聲撼石頭

報恩寺天下第一埵

金川門開燕子飛冕旒照耀蜚黃龍旂袈裟點慘劫灰死  
諸天佛日無光矣周公入輔成王奔殺戮忠義如雞豚  
阿育王埵遺趾在巧假禪師爲酬恩運斧斲木勞工匠  
百萬丁男澤門唱歷十九載功迺成更五百年制無恙  
曉霞蒙紫旭日紅金碧四射開天宮躡衣直上恣顧盼  
飄搖衣袂凌虛空當時若念恩罔極國祚傳孫有明敕  
縱難負展作元臣猶可分圭守藩職倉皇靖難起干戈

烈三忠臣一網難株連瓜蔓罪花熾率堵波在將如何  
從來英主多奇詈大寶膺登忒誅殺歐陽迓祐太愚素  
不惜黃金打梵刹豈眞佛力永縣延危柱虛橋抗劫完  
孝陵落日滄涼影返照浮屠九級前

勝棊樓

登樓四望畫圖開山色湖光入座來百戰功名多勝局  
一時草昧出奇才虛欄斜日跼蹐京觀碣西風最屬顏  
采石英靈未消歇不知絃管爲誰哀

金山

半空飛葉晚蕭瑟玉帶額僊往事遙近郭人家瓜步寺  
接天風色海門潮樓臺紅駐三竿日溟郭青撐一柱焦  
取醉莫辭京口酒亂蟬聲裏放歸橈

山塘雜詩

十里彎環一鏡磨野慈姑白水蒹葭笙歌盡舫斜陽外  
橙簫漁船野趣多

紙扇秋風客恨新酒悲寥靈感前因一灣斟酌橋頭水  
那有觀河鐵面人

前山穠鬱後山清錯落原田野徑平一帶草蟲啾唧語  
隨風攪入管絃聲

酒冷宵闌斗枋橫畫船撐過藕枝輕等人生小閒無賴  
自抱琵琶弄月明

無數軒牕枕水偏野風涼逗晚秋天木樨一院橋邊路

香到誰家上家船

感事

樂黃三壩截波平一瀆全淮勢莫爭精衛生涯填海水  
佛狸祠宇繞河聲濁流已奪長江險湍水難敵絕塞行  
漢書溝洫志武帝時齊人延年者上書欲塞龍門孟津之口使河繞出長城塞外從沙漠天山遶左朝鮮入海  
二十丈高淮堰在千秋豹子誤蒼生

防河聚訟笑轟雷國計先籌轉漕來賈讓陳書惟下策  
朱清運海亦蠲才使臣祇課菱蘆稅少府虛縻偵貝財  
誰更北方譚水利羣公獻策莫遲徊

一綫邦溝涌急湍傳聞時事忽汎瀾天心政恐江淮合  
人意方愁稼穡難挾策賈生餘涕淚憂時杜老祇心肝

大小雅堂詩鈔

卷一

古

聞風伏雨翛翛夜剪楮何人祭水官

伐盡淇園竹箭蠶宣房誰作濟川桴空令汲黯歸田里  
苦祝監門上畫圖班范史書皆覈確鄴桑經注柰虛誣  
幾人熟讀河渠志直得王尊一塞無

九月初六日夜紀事

陰厓吹火爍林樹空山月落狐狸去疏星熒熒待天曙  
小兒索乳號不住東家西家凍犬鳴嚙髀騎馬空中橫  
龍龕索索百千輩林葉牽窻疑人行天寒霜重忽聞此  
想祇無光夜鐙死楮錢十萬陰火然寒燭拂之簇空起  
老僧何處搖金鈴麥餅一盂水一餅山魃木魅大合食  
瑜珈夜散行竹傳荒塢膈膊鄰雞唱博桑一輪東海上

大小雅堂詩鈔

曹蜍李志人世多濁劫泥犁皆變相

錢舜舉太真上馬圖

一女手揮雲錦裝一女窄袖手勒繮內家簇仗三五輩  
曲肱豐頰纖袿麗金鞵絡索搖駉騁風鬟霧鬣形昂藏  
阿環結束耀繁縷纓衿刻鞵施新妝欲上不上勢紆緩  
柔情綽態神翩翩凝碧池頭罷歌舞朝元閣上飛壺觴  
得母曲江修祓禊不然赴召華清鄉此時玉顏花婀娜  
此時衣帶風飄揚奚官傍立貌整暇手按玉勒無蒼黃  
斷非青驪避地日鞞鼓十萬驚漁陽君王可惜虬隤甚  
鞭長不擊豬龍亡散雲它日鬼陂黯紫驕那敵黃蚪強  
梓桐驛路淋鈴曲蜀棧鼓嘔馬首長此騎承恩錦帕首

大小雅堂詩鈔

卷一

五

四憎詩

物陰晝不出畏見鐙燭紅攘竊乘昏夜滅我宿所春敝  
衣不遮骭齧碎勞婦縫跳跟几案間印迹如泥鴻兒女  
或謾罵聚族來糾攻小人壞家國厥貌類愚庸乘間始  
竊發如莽多伏戎兩端既無適五技良獨工引類竊阿  
柄内外交相訐吁嗟陰險患柰此食黍雄礫鼠伸漢律  
薰鼠歌幽風不若借狸子盡殺無姑容維魚貫之柳一  
笑酬其功遁逃或有藪草檄移社公鼠

藏書百千卷插架羅軒櫺朽蠹之所及殘闕苦不明想  
常食字初穿穴一鳥輕不煩五丁力鑿路開嚙叮闕文  
繹滲漏與義授元冥稍稍辨句讀往往忘寢興醜賈記  
書錄腐儒守經竄人生有嗜尙厥好殊所營爾生鄉媛  
地日與蜩蚪盟曰蟬曰脈望稱號屢變更山人與居士  
如世多別名夙好鑽故紙酷似媚學生區區兔園冊乃  
以生死爭豈無學仙骨飄搖游羽陵食古爾未化身世  
同蜩蟬行當焚辦香敬乞長恩靈

白鳥雖小醜嚙人銳於錐顧後方擊背毆前復攢眉性  
命非所重甘以身殉之吁嗟爾黍民血食勲何奇傷人  
皇論死漢律昭來茲吾凌無肉相何足供朶頤祇餘三

大小雅堂詩鈔

卷一

共

斗血剖熱抽心脾吹毛煩索孔豈必無瑕疵一二入帷  
幕終夜難安棲安得麻姑爪爬搔無已時古來奸宄既  
不在什伯隨一人何左右其患中骨肌豈難肆誅討藏  
閉苦不知第當蔽罅隙出入嚴所司忠至而後禦母乃  
同噬臍

么膺爾何物孽生臥榻旁嚙人不安枕跳躍胡強梁豪  
末足以察英武不可當譬若亡命兒暴戾雄一鄉捕十  
不獲一擊之多逃亡毘毚爾同族佛子名獨良行不離  
縫綫動不離禪襠繩墨自檢束未若汝跳跟其患亦易  
制召燭非剥牀惟汝最狡黠與類殊柔剛姑息養奸宄  
肘腋罹灾殃汝形難拊擊汝禍難周防傷人及拒捕漢

法嚴三章我將檄爾族屏爾居遠方

大小雅堂詩鈔卷第一終

卷一

七

大小雅堂詩鈔卷第二

增鄉集起巳巳十二月  
盡辛未一年

青浦邵堂无教

歲莫移居綠楊邨舍示墨君

薛澱波寒十里長無多塵具不盈筐盜書楊玠錫爲館

賣藥公房增有鄉祭龜請鄰排日飲載觴迎富笑人忙

厲公絕類邨夫子圖畫煩教著孟光

時序趨趨劇可憐臘頭社尾逼開年學窠字大迎春帖

壓勝絲長餽歲錢鐙火江湖殘夜寢梅花身世峭寒天

屠麻兩地分筵飲燒燭邨齋話惘然

雪夜懷圓津院僧覺銘用蘇文忠聚星堂韻

六癩爬沙蠶鬱葉玉龍排空夜舞雪顏峯側嶺木葉乾

大小雅堂詩鈔卷二

十

斷徑空林鳥聲絕冰簋鱗次排文鏹欄外琤琮斂股折

浸空窻窻砌有聲鐙幟搖風紅不減料簡圓通瓶盃僧

一蒲團地當先挈光明之藏聲聞天以色證空眼不賴

撒花歷亂不著衫庵塵清冷弄玉屑峭嶸時序赴壑蛭

年瘦冬肥掉尾臂市人纖兒蟻磨行暴演人生共誰說

黃蘗膠醒契參寥嶺上樛花屈如鐵

魏塘過周樽元時孫館并贈潘明經角章孝廉雷

春風候統水滑笏鰲枝嘔軋衝玻瓈師蕭楓不能事

晴颿紅卸斜陽遲周郎畱落日關覽鏤金錯采光焚纒

蓼穠未合投錦段如玉霏屑金刮鏹闔門側帽相咏笑

青銅三百酒一棹文人詞客雜選至圍座各各無町畦

大小雅堂詩鈔

元茂疏雋踞詩站子厚騰遑撐文碑鄙人傾頤性不備

讀史罔識天棊羣如蓬梗聚醞醕樂鯨吐鼉吸皆酣滴

酒行至半忽跳起嚴徐東馬區雲泥陶太史憶昔狂生

脂豨甚呵天斫地聲啾啾漁莊瀨盪煙水闊生王掠波

一隊蜚鳬驚祇今鸞鳳各飄泊江湖迴眄春流漸人生

散布寰寓內譬若太倉米一稊吾儕刺促百不愜拳拳

身世同醯雞過此以往更夢散荷聯袂當何時雲霞

引契偶會并盛筵良覲須畱題時去等樂殆昏營毋乃

鞭腹與噬臍詩成燭花紅滿案酒痕半瀋零寒綈討秋

後會訂鞠瓊不信有若車無輓

樛花盒弔吳仲圭墓

大小雅堂詩鈔卷二

二

滄涼石塢感前因身是橋亭賣卜人地老天荒畱破絮

殘山贖水葬遺民斷帶僧揭前朝畫畫竹勒劫樹樛開

太古春省識頭陀非佞佛一瓢寒水薦秋蔬

周丈郁濱探樛鄧尉詩以寄之

激背被池寒間館鐙幟冷簾押雪纖微臆隙月清耿吟

寢寄癯僊詩魂越遙嶺蹠蹠駢駢馱馱背樛樛延頸礙帽

枯搜藤鉤節痠拏瘦四青垂間慘一白露激固高士志

閑雅美人貌明靚別韻愜幽遐孤標契雋永雅愛周彥

倫酷肖林和靖計程崦東西就路銅坑井冒寒花氣深

踟躕鳥聲靜令趣寂不知清游遡難省哦詩重招悵憶

樛空愼惺繒壑將同探塵全奈未屏紙帳縹有香縞衣

惜無影

潘爾見過

圓泚分湖碧水鄰轉於邂逅得情親說詩鬪酒消長夜  
冷燭殘灰感宿因一代成名真有數千秋知已定何人  
時君將以三國志攷證付梓著書更憶陳驚座白蠹紅蟬過此身陳宗

廣寒宮詞和蔡春雷

青天碧澗霧依稀十二瑤樓鑲玉扉悅憶宵來瓊珮語

天風吹冷五銖衣

羽佩霓裳接大羅更無人唱紫雲歌不須補種婆娑樹  
天上秋風較更多

大小雅堂詩鈔

卷二

三

雲嶺館牡丹作花獨遲周丈郁濱以詩見貽

姹紫嫣紅幾度過獨留豔質燦青莎花如酒眼三分醉  
天入春心一味和富貴遲來非命薄文章晚出得名多  
不須更約接春社婪尾樽疊共歡歌

邨舍幽居春光妍暝舟晨燭夕時復斐然

萬花生日宴花叢百五春光點綴工籬外碧桃牆外杏  
一齊扶醉倚東風

詠誦燕子愜幽棲十二風簾翦翦齊銜得誰家墳上土  
爲儂堂宇綴新泥

客舍難斬一醉歡詩懷半落酒痕殘料量典質春衣去  
剛是東風料峭寒

江上煙波碧水生一鳩曉雨過清明菜花黃徧邨南北  
野老不知畫裏行

淺淺瀉波短短籬水楊柳下立多時野花不逐春風老  
閒牕小桃紅一枝

恁憶詩筒與酒樽羈人蹤迹滯孤邨商量縛箇團茅屋  
句引垂楊綠到門

瓜皮艇小碧沿緣亭映時光過雨天一燈石屏殘畫本  
夕陽紅上甯泥船

李壯烈伯哀辭

公諱長庚福建泉州同安縣人官閩浙提督防  
護海洋賊匪相戒有不怕千萬兵祇怕李長庚

大小雅堂詩鈔

卷二

四

之語其卒也朝野哭之

擊楫窮年戰氣道大星一夜落旄頭久驚飛將從天降  
直矢孤忠共

主憂萬里跳波將徒鏹千金破產爲椎牛諸公辛苦崇  
洋外忍見軍民涕淚流

傳聞壁賊未煙銷上將材官認錦標殘影靜沈臺海月  
砲聲遙撼潮江湖孫恩樓榜乘風旋楊太旌旗縱火燒

最是戰癘時照見鍊絲猶自苦纏腰  
橫海功名百戰身上將軍蹶太無因出師楊僕身先喪

必死殷侯語竟眞一槩威稜寒米賊  
九重哀淚恤波臣贈